



N°676  
Entrée le 30.04.2024  
Chambre des Députés  
Déclarée recevable  
Président de la Chambre des Députés  
(s.) Claude Wiseler  
Luxembourg, le 02.05.2024

Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 30/04/2024

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Aarbecht weiderzeleeden.**

An de Froe 5415 a 5551 hunn d'Piraten sech schonn zu de Bearbechtungszäite vun der Commission spéciale de réexamen vun der Adem informéiert. Hei gouf et 2022 mat 6 bis 6,5 Méint ganz laang Bearbechtungszäiten. Fir déi Betreffen ee grouse Problem, well si esou laang hire Recours leeft, kee Recht op Chômage oder Revis hunn. Am Fall wou se an hirem Recours Recht kréien, kréien se d'Geld duerno, mee si mussen an der Zäit anescht iwwert d'Ronne kommen, wat fir vill, voir all déi Betreffen, net einfach ass. Den deemolegen Aarbechtsminister war och net zefridde mat der Bearbechtungszäit an hat an der Äntwert op d'Fro 5551 erklärt, datt am Sekretariat méi Leit agestallt géife ginn, fir Delaien ze kierzen.

An deem Zesammenhang wéilt ech dem Minister dës Froe stellen:

1. Wat sinn déi momentan Delaie fir d'Bearbechtung vun engem Recours bei der Commission spéciale de réexamen vun der Adem?  
Ass de Minister der Meenung, datt dësen Delai zefriddestellend ass?
2. Trëfft sech d'Commissioun méttlerweil méi oft wéi 1 bis 2 mol am Mount?
3. Wéi laang dauert et momentan tëscht der getraffener Decisioun an der Notifikatioun vun der Decisioun un déi Betreffen?
4. Wéi vill Leit si säit Januar 2021 am Sekretariat vum CSR agestallt ginn? Wéi vill Leit hunn d'Sekretariat an der Zäit verlooss? Wat ass de momentanen Effektiv?

Mat déiwem Respekt,



[www.piraten.lu](http://www.piraten.lu)

---



CLEMENT Sven  
Deputéierten

